

**Aalisarnerit aalisarnermi pisassiissutit niuerutigineqarsinnaasut pillugit
aaqqissuussamiittut pillugit Namminersorlutik Oqartussat nalunaarutaat (PNNP
pillugu nalunaarut)**

Aalisarneq pillugu Inatsisartut inatsisaanni nr. 29, 23. maj 2024-meersumi § 15, nr. 1–5, § 17, imm. 1, § 18, imm. 1 aamma 2, § 25, imm. 3, 2. imm., § 27, imm. 1, § 28, stk. 2, § 29, imm. 4, § 30, imm. 3, § 40, imm. 4, § 41, imm. 3, aamma § 68, imm. 2, naapertorlugit uku aalajangersarneqarput:

Kapitali 1

Atuuffissaa nassuiaatillu

Atuuffia

§ 1. Nalunaarut Kalaallit Nunaata aalisarnermut oqartussaaffiani pisassanik aalisartartunut aamma pisassiissutinik niuerutigineqarsinnaasunik aaqqissuussami ilaasunut atuuppoq.

Nassuiaatit

§ 2. Nalunaarummi matumani uku ima paasineqassapput:

- 1) "Aalisarneq pillugu inatsit": Aalisarneq pillugu Inatsisartut inatsisaat.
- 2) "PNNP naapertorlugu -aalisarneq": Aalisarnermut inatsimmi kapitali 7-imi aalisarneq pineqartoq.
- 3) "PNNP-mik aaqqissuussaq": aqutsiffiusoq aalisarnermut inatsimmi kapitali 7-imi pineqartoq.
- 4) "Aqutsiveqarfik 47": Imartaq Kalaallit Nunaata Kitaani tunngaviusumik killeqarfiup tungaanut 3 sømilit iluanniittoq, kujammut avannarpasissuseq 68°30'N-imi avannamullu avannarpasissuseq 75°00'N-imi taakkualu kangerluttaanni killeqartinneqartoq.
- 5) "Ukioq pisassiiffiusoq": Piffissaq ukiumut pisassiissutinik aalisarnissamut akuersissummut tunngasoq.
- 6) "Aalisarnermi paggatassiineq": Paggatassiilluni aalisarnissamut akuersissummi tunniunneqartumi aalisarneq.
- 7) "Pisassat paggatassiissutit": Pisassiissutit ilaat, sinerissap qanittuani qaleralinniarnermut ukiumut immikkoortinneqartut PNNP-millu aaqqissuussinermut ilaanngitsut.
- 8) "A.t.t.": Angallatip tamakkiisumik takissusaa, angallatip siuata noorpianit aqorpiaanut qeqqa atuarlugu, tukimut, uuttortarneqartoq (angallatip tamakkiisumik takissusaa).
- 9) "Piffissaq pisassiissutinik piginniffiusoq": Piffissaq pisassiissutinik pigisanik piginnittup pigisaminik qularnaveequsersimaffia.

Imm. 2. Aalisarnermut inatsimmi taaguutitut nassuiaatit nalunaarummi matumani aamma atuupput.

Kapitali 2

Aalisarnerit PNNP-mik aaqqissuussamut ilaasut

§ 3. PNNP naapertorlugu aalisagaqatigiinnik ukuningga aalisarnerit:

- 1) Kalaallit Nunaata kitaani raajarniarneq:
- 2) Tunumi raajarniarneq:
- 3) Kitaata avataani qaleralinniarneq:
- 4) Tunup avataani qaleralinniarneq
- 5) Immikkoortoq 47-mi sinerissap qanittuani qaleralinniarneq, taamaattoq imm. 2. takuuk
- 6) Kalaallit Nunaata kitaani saattuarniarneq

Imm. 2. Imm. 1, nr. 5 aalisarneq pillugu inatsimmi § 28 imm. 3-mi malittarisassat naapertorlugit aalisarnissaminnut Naalackersuisunit nalunaarfigineqarsimasuinnarnut atuuppoq.

Kapitali 3

Pisassiissutinit pigisanik tunniussisarneq aamma naatsorsuisarneq

Raajat

§ 4. Naalackersuisut 2025-mi raajarniarluni aalisarnermi pisassiissutinit pigisanik aalisartunut, 2024-mi PNNP naapertorlugu raajarniarluni aalisarnermut akuersissutilinnut peqataasunullu tunniussuissapput.

Imm. 2. Pisassiissutinit pigisat qinnuteqaqqaarani imm. 1 naapertorlugu tunniunneqassapput.

§ 5. Kitaani raajarniarluni aalisarnermi § 4 imm. 1 naapertorlugu pisassiissutinit pigisanik naatsorsuineq ima pissaaq, aalisartumut 2024-mi ukiumut pisassiissutit 2024-mi kitaani raajarniarluni aalisarnermut pisarineqarsinnaasunit tamarmiusunit pigisatut naatsorsorneqassallutik. Pisassiissutit taakku tamatuma kingorna aalisartup pigilissavai.

Imm. 2. Kitaani raajartassatut pisassiissutinit tamarmiusunit naatsorsuinermi sinerissap qanittuani pisassiissutit immikkoortitat ilaatinneqassapput, soorlu avataani pisassiissutit immikkoortitat ilanngunneqassasut, imm. 1 takuuk.

§ 6. Tunumi raajarniarluni aalisarnermi § 4 naapertorlugu pisassiissutinit pigisanik naatsorsuineq ima pissaaq, aalisartumut 2024-mi ukiumut pisassiissutit Tunumi raajarniarluni 2024-mi aalisarnermi pisarineqarsinnaasunit tamarmiusunit pisassiissutinit pigisatut naatsorsorneqassapput. Pisassiissutinit pigisat aalisartup taakku tamatuma kingorna pigilissavai.

Avataani qalerallit

§ 7. Naalackersuisut kitaani avataasiorluni 2025-mi aalisarnermi pisassiissutinit pigisat aalisartunut, kitaani 2024-mi avataasiorluni qaleralinniarluni aalisarnissamut akuersissuteqartunut peqataasunullu tunniussissapput.

Imm. 2. Pisassiissutinit pigisat-qinnuteqaqqaarani imm. 1 naapertorlugu tunniunneqassapput.

§ 8. Kitaani avataasiorluni qaleralinniarluni aalisarnermi aalisartut pisassiissutinit pigisaat § 7 imm. 1, naapertorlugu ima naatsorsorneqassapput:

- 1) aalisartup ukiuni 2019-miit 2023-mut qaleralittarisimasaanik naatsorsuisoqassaaq,
- 2) Kitaani aalisartup ukiut tallimat ingerlanerini pisaasa ukiuni pingasuni pisaqarfiginerpaasai katinneqassapput aamma
- 3) aalisartut ataasiakkaat pisisimasaat, nr. 2 naapertorlugu naatsorsorneqartut katinneri, 2024-mi pisinneqarsinnaasunit tamarmiusunit 2/3-tut piginneqataassutitut naatsorsorneqassasut.

Imm. 2. Pisassiissutinit pigisat imm. 1 nr. 3 naapertorlugu naatsorsorneqassapput.

Imm. 3. § 7 imm. 2-mi aalajangersagaq apequtaatinnagu Naalackersuisunut qinnuteqarnikkut 2024-mi TAC-p pingajorarterutaa aalisartumut aalisartunulluunniit arlalinnut nutaanut pisassiissutigineqassapput. Aalisarnermut inatsimmi § 1-imi piumasaqaatit aalajangersarneqartut naapertorlugit tunniussisoqassaaq.

Imm. 4. Aalisartut nutaat ukiumi pisassiissuteqarfiusumi pisassiissutinit pigisat aalisarnissaannut periarfissaqanngippata taakku aalisariumannittussarsiuussinerup kingorna aalisartooreersunut tunniunneqarallarsinnaapput.

§ 9. Naalackersuisut aalisartunut Tunumi aalisarnissaminnut 2024-mi akuersissuteqartunut aamma Tunumi avataasiorluni qaleralinniarluni aalisarnermi peqataasimasunut Tunumi avataasiorluni qaleralittassanik pisassiissutinit pigisassaannik 2025-mi tunniussissapput.

Imm. 2. Pisassiissutinit pigisat qinnuteqaqqaarani imm. 1 naapertorlugu tunniunneqassapput.

§ 10. Tunumi avataasiorluni qaleralinniarluni aalisarnermi aalisartut pisassiissutinit pigisaat § 9 imm. 1, naapertorlugu ima naatsorsorneqassapput:

- 1) aalisartup ukiuni 2019-miit 2023-mut qaleralittarisimasaanik naatsorsuisoqassaaq,
- 2) Tunumi aalisartup ukiut tallimat ingerlanerini qaleralittaasa ukiuni pingasuni pisaqarfiginerpaasai katinneqassapput aamma
- 3) aalisartut ataasiakkaat pisisimasaat 2) naapertorlugu naatsorsorneqartut katinneri, 2024-mut pisinneqarsinnaasunit tamarmiusunit piginneqataassutitut naatsorsorneqassasut.

Imm. 2. Pisassiissutinit pigisat imm. 1 naapertorlugu naatsorsorneqartut katinneqassapput. 2024-mi pisassiissutit tamarmiusut aamma naatsorsukkat katinnerisa nikingassutigeratarsinnaasaat naatsorsorneqassapput Naalackersuisunullu qinnuteqarnikkut aalisartumut ataatsimut arlalinnuunniit tunniunneqarsinnaallutik.

§ 11. Aalisartunut, Aqutsiveqarfimmi 47-mi sinerissap qanittuani qaleralinniartunut, 2025-mi kingusinnerusukkulluunniit PNNP tunngavigalugu aalisalissallutik kissaateqartut, Naalakkersuisut qinnuteqartut pisassiissutinit pigisanik pisassissinnaavaat.

Imm. 2. Aalisartuq imm. 1 naapertorlugu PNNP naapertorlugu aalisarnissaminut pisussaaitaaffeqaanngilaq, kisianni paggatassiissutinik suli aalisarsinnaavoq. Aalisartuq pisassiissutinit pigisaqartoq pigisaqarsimasorluunniit imaluunniit inuk aalisartup pigisaanik pigisalik pigisaqarsimasorluunniit, Aqutsiveqarfimmi 47-mi paggatassiinerup nalaani aalisartup aalisarnissaminut akuersissutaanik akuersissutigisimasaanilluunniit, akuersissummik tunineqarsinnaanngilaq piginneqataasinnaaniluunniit.

Imm. 3. Imm. 1 naapertorlugu pisassiissutinit pigisanik tunineqarnissamut uku piunasaqaataapput:

- 1) aalisartuq aqutsiveqarfimmi 47-mi ukioq pisassiiviusoq pineqartoq sioqqullugu qaleralinniarluni aalisarnissaminut akuersissuteqarsimassasoq,
- 2) aalisartup nr. 1 naapertorlugu akuersissutini qaleralinniarluni aalisarnermut aamma qaleralinnik tunisinermut atorsimassagaa,
- 3) aalisartup angallat 6 meterinik naannerusoq (a.t.t.) atussagaa, aalisariutit aalisarneq pillugu inatsisip atuutilernerani sinerissap qanittuani qaleralinniarluni aalisarnissamut akuersissuteqarsimammata, taamaattorli angallat 15 meterit sinnerlugit takissuseqarsimanersoq apeqqutaatinnagu aalisariut taanna suli atorsinnaassavaa aamma
- 4) pisassiissutinit pigisat tamarmiusut paggatassiissutinik aalisarnermut sinneruttut, pisassiissutinit pigisanik ukiumut aggersumut tunniussinerup kingorna 5 ~~pet.~~ iussasut procentiussasut sinnerlugilluunniit.

Imm. 4. Pisassiissutinit pigisat takuuk imm. 1, nalunaarutigineqartut aqutsiveqarfimmut 47-mut tamarmut atuupput.

Imm. 5. Pisassiissutinit pigisanik tunineqarnissamut qinnuteqaatit Aalisarnermut Piniarnermullu Naalakkersuisoqarfimmit ukioq pisassiissutinit pigisanik tunineqarfissaq sioqqullugu kingusinnerpaamik oktobarip 15-ianni tiguneqareersimassapput.

Imm. 6. Pisassiissutinit pigisat tunniunneqartut ukiumi pisassiiviusumi pineqartumi januaarip aallaqqaataanit atuutissapput.

§ 12. Aalisartup 6 meterinik taassuminngaluunniit naannerusumik aalisariutaatillip PNNP naapertorlugu aqutsiveqarfimmi 47-mi januaarip aallaqqaataani 2025-miit aalisartussap, pisassiissutinit pigisai ima naatsorsorneqassapput:

- 1) aalisartup Aqutsiveqarfimmi 47-mi qalerallit piffissami 2019-imiit 2023-mut pisisimasai naatsorsorneqassapput,
- 2) aalisartup Aqutsiveqarfimmi 47-mi ukiumi tallimanit ukiut pingasut qaleralinnik pisaqarfiginerpaasai katinneqassapput,
- 3) aqutsiveqarfimmi 47-mi paggatassiilluni qaleralittassanik aalisartut piffissami 2019-miit 2023-mut pisisaat ukiumi pingasuni pisaqarfiginerpaat katinneqassapput, kingornalu pisassiissutinit pigisanik, aqutsiveqarfimmi 47-mi pisassiissutinit tamarmiusunit paggatassatut immikkoortinneqartunik gangerneqarlutik, kisitseriaaseq, aamma

4) aalisartut ataasiakkaat pisaasa nr. 2 naapertorlugu naatsorsorneqartut katinneri, nr. 3 naapertorlugu pisat katinnerisut naatsorsorneqartut naatsorsorneqassapput.

Imm. 2. Imm. 1 naapertorlugu naatsorsuineq aqutsiveqarfimmi 47-mi tamarmi pisanit aallaaveqassaaq.

§ 13. Aalisartup 6 meterinik taassuminngaluunniit naannerusumik aalisariutaatillip PNNP naapertorlugu aqutsiveqarfimmi 47-mi 2025-p kingorna aalisartussap, pisassiissutinit pigisai ima naatsorsorneqassapput:

1) aalisartup aqutsiveqarfimmi qaleralinnik pisai ukiut tallimat pisassiiviusut pineqartut tamakkerlugit nalunaarsorneqartut sioqqullugit naatsorsorneqassapput,

2) aalisartup Aqutsiveqarfimmi 47-mi ukiunit tallimanit ukiut pingasut qaleralinnik pisaqarfignepaasai katinneqassapput,

3) aqutsiveqarfimmi 47-mi paggatassiilluni qaleralittassanik aalisartut piffissami 2019-miit 2023-mut pisarisaat ukiuni pingasuni pisaqarfignepaat katinneqassapput, kingornalu pisassiissutinit pigisanik, aqutsiveqarfimmi 47-mi pisassiissutinit tamarmiusunit paggatassatut immikkoortinneqartunik gangerneqarlutik, kisitseriaaseq, aamma

4) aalisartut ataasiakkaat pisaasa nr. 2 naapertorlugu naatsorsorneqartut katinneri, nr. 3 naapertorlugu pisat katinnerisut naatsorsorneqartut naatsorsorneqassapput.

Imm. 2. Imm. 1 naapertorlugu naatsorsuineq aqutsiveqarfimmi 47-mi tamarmi pisanit aallaaveqassaaq.

§ 14. Aalisartut 6 meterinik anginerusunik angallatillit sinerissap qanittuani Aqutsiveqarfimmi 47-mi PNNP naapertorlugu qaleralinniarlutik aalisartussat 2025-mi pisassiissutinit pigisaat Naalakkersuisunit pisassinneqassapput, aalisartoq taakkunanga aalisarnissaminut 2024-mi akuersissutaateqarsimappat aamma aalisaqataasimappat.

Imm. 2. Pisassiissutinit pigisat aalisartumit qinnuteqartitsinani imm. 1 naapertorlugu tunniunneqassapput.

§ 15. Aalisartup, 6 meterit sinnerlugit angissusilimmik angallataatillip 2024-mi sinerissap qanittuani aqutsiveqarfimmi 47-mi, pisassiissutinit pigisanut attuumassutilinnik, qaleralinniarluni aalisarnissaminut akuersissutillip, pisassiissutinit pigisaanik naatsorsuineq ima pissaaq, aqutsiveqarfimmi 47-mi ukiumoortumik pisassiissutit pisassiissutinit pissarsiai pisassiissutinillu pigisaata tunniunneqartunit ilanngarlugit naatsorsorneqassallutik.

Imm. 2. 2024-mi Aqutsiveqarfimmut 47-mut pisassiissutinik tamarmiusunik naatsorsuinerimi, imm. 1 tak., pisassiissutit ukiumut pineqartumut angallatinut 6 meterinut ataalluguluunniit angissusilinnut aallaqqaammut immikkoortinneqartut aamma pisassiissutit ukiumut pineqartumut angallatinut 6 meterit sinnerlugit angissusilinnut aallaqqaammut immikkoortinneqartut ilaassapput.

§ 16. Kitaani qaleralittassiissutinit tamarmiusunit Aqutsiveqarfimmi 47-mi amerlanerpaanik 2,5 procentit aalisartumut ataatsimut pisassiissutinit pigisassatut tunniunneqarsinnaapput.

Imm. 2. Aalisartup pisassiissutinit pigisai tamarmiusut ukiumut pisassiissutit, ukiumi pineqartumi aqutsiveqarfinni tamani aalisartup pigisaasa katinnerisigut naatsorsorneqassapput. Aalisartup pisassiissutinit pigisai tamatuma kingorna aalisartup Aqutsiveqarfimmi 47-mi ukiumut pisassiissutit tamarmiusut katinneqarnerisa ilaattut inerreqassapput.

§ 17. Aqutsiveqarfimmut 47-mut pisassanik pigisassatut pisassiissutigineqartunit 5 procentit paggatassiilluni aalisarnermut qaqugukkulluunniit immikkoortinneqartassapput.

Imm. 2. Ukiup ingerlanerani paggatassiilluni pisassat 6 procentinik ikinneruppata PNNP naapertorlugu aalisarnissamut akuersissummik aalisalerniartumut nutaamut tunniussisoqarsinnaanngilaq.

Kitaani saattuat

§ 18. Kitaani 2024-mi saattuarniarnissamut akuersissutillit ukiumilu tassani saattuarniartut, Naalakkersuisut pisassiissutinit pigisassanik 2025-mut saattuartassissavaat.

Imm. 2. Pisassiissutinit pigisat aalisartumut qinnuteqartitsinani imm. 1 naapertorlugu tunniunneqassapput.

Imm. 3. Aqutsiveqarfinni tamani pisassiissutinit pigisat nalunaarutigineqartassapput.

§ 19. Saattuarniarluni aalisartunut pisassiissutinit pigisat ima naatsorsorneqassapput:

- 1) aalisartup ukiuni 2020-miit 2024-mut saattuat pisarisimasai naatsorsorneqassapput,
- 2) aalisartup ukiut tallimat iluini saattuartarisimasaasa ukiuni pingasuni oqimaannerpaartaat katinneqassapput, aalisartup ukiunit tallimanit ukiut pingasut saattuanik pisaqarfiginerpaasai katinneqassapput,
- 3) aalisartut tamarmiusut ukiunit tallimanit ukiut pingasut pisaqarfiginerpaasaat nalunaarsorneqarsimasut ukioq pisassiiviusoq pineqartoq sioqqullugu katinneqassapput, aamma
- 4) aalisartut ataasiakkaat pisaasa nr. 2 naapertorlugu naatsorsorneqartut katinneri, nr. 3 naapertorlugu pisat katinnerisut naatsorsorneqartut naatsorsorneqassapput.

Imm. 2. Kitaani aqutsiveqarfinni tamani pisarineqarsimasut tunngavigalugit imm. 1 naapertorlugu naatsorsuisoqartassaaq.

Imm. 3. Aqutsiveqarfimmi ataatsimi pisassiissutit tamarmiusut piffissami aalisarfiusumi imm. 1, nr. 3-mi taaneqartut tamakkerneqarsimatinnagit imm. 1 naapertorlugu naatsorsuinermi peruserineqartoq atorneqartassanngilaq. Pisuni taakkunani aalisartut ataasiakkaat pisassiissutinit pigisaat pisarineqarsinnaasut tamarmiusut ilaattut naatsorsorneqassapput.

Imm. 4. Naalakkersuisut pisassiissutinit pigisat ukiumoortumillu pisassiissutit pillugit 2025-mi inaarutaasumik februaarip qiteqqunnerani nalunaaruteqassapput.

Imm. 5. Pisassiissutinit pigisat aalisartunut pisassiissutaanngitsut, Naalakkersuisunit pineqartassapput aamma §§ 24 aamma 25 naapertorlugit aalisariumannittussarsiuunneqartassapput.

§ 20. Aalisartup kitaani ukiumut akuerisaasumik saattuanik tamarmiusunit pisinneqarsinnaasai, TAC, amerlanerpaamik 17 procentiupput.

Imm. 2. Aalisartup pisassiissutinit pigisai tamarmiusut ukiumut pisassiissutit, ukiumi pineqartumi aqutsiveqarfinni tamani aalisartup pigisaasa katinnerisigut naatsorsorneqassapput. Aalisartup pisassiissutinit pigisai tamatuma kingorna aalisartup kitaani ukiumut akuerisaasumik pisinneqarsinnaasut, TAC, pisassiissutit tamarmiusut katinneqarnerisa ilaattut inerneqassapput.

Imm. 3. Aqutsiveqarfimmi ukiumut akuerisaasumik pisassiissutit, TAC, tamarmiusut allangortinneqarnerini aalisartup pisassiissutinit pigisai imm. 1-mi pisassiissutit amerlanerpaaffissaattut allassimasunit amerlanerulersimatillugit, pisassiissutinit pigisat sinniisut tunineqarnissaannik piunasaqaat ukiunik tallimanik kinguartinneqassaaq, tamatumalu kingorna aalisarneq pillugu inatsimmi pisassiissutinit pigisat pinngitsaaliissummik nuunneqarnissaannut malittarisassat atuutilissapput.

Kapitali 4

Pisassiissutinit pigisanik kaaviiartitsineq pinngitsaaliissummillu tuniniaasitsineq

Aalisartut akornanni kaaviiartitsineq

§ 21. Pisassiissutinit pigisat taakkuluunniit ilaat killilersuinerit, aalisarneq pillugu inatsimmi aalajangersarneqartut naapertorlugit tunniunneqarsinnaapput, piunasaqaatit ilaatigut ukuupput aalisarneq pillugu inatsimmi §§ 9 aamma 11 naapertorlugit pigisaqartup nunatsinnut attuumassuteqarnissaanut tunngasut, raajarniarnermi pisassiissutinit pigisat, januaarip aallaqqaataa 2025 tikillugu avataasiorluni sinerissallu qanittuani aalisartut avittarsimasaasa akornanni kaaviiartitsineq, aalisarneq pillugu inatsimmi § 30, imm. 2 naapertorlugu, pisassat amerlanerpaaffissaat, aalisarneq pillugu inatsimmi § 32 naapertorlugu kiisalu immikkut ittumik piunasaqaatit aalisariumannittussarsiuussinermut atatillugu pisassiissutinit pigisanut atassuteqartut, § 19, imm. 5 naapertorlugu.

Imm. 2. Pisassiissutinit pigisanik kaaviiartitsineq Naalakkersuisut aalisariumannittussarsiuussinermut nittartagaq pilersitaat aqutugalugu pissaaq, aalisarnermut inatsimmi § 31 naapertorlugu.

§ 22. Pisassiissutinit pigisat nuunneqartut aalisarnermi pineqartumi ukiumut akuerisaasumik pisinneqarsinnaasut, TAC, ikinnerpaamik 0,001 procenterissavaat.

Imm. 2. Piunasaqaatit pisassiissutinit pigisanut attuumassutillit nuunneqarnerini ilanngullugit nuunneqassapput, tassunga ilanngullugit piffissaq pisassiissutinit piginniffiusoq sinneruttoq pillugu piunasaqaat, taamaaliortoqassaarlu pisassiissutinit pigisanut atatillugu akuersissummut allamik allassimasoqanngippat.

Pinngitsaaliissummik tunniussineq

§ 23. Akuersissummik aalisarneq pillugu inatsimmi § 26, nr. 2 naapertorlugu arsaarinnittoqartillugu, tassunga ilanngullugu pisassiissutinit pigisat aalisartumut inunnulluunniit ataasiakkaanut aalisartup pigisaani pigisaqartunut attuumassutillit, pisassat amerlanerpaaffissaannik qaangiippata, aalisarneq pillugu inatsimmi § 32 naapertorlugu, aalisarneq pillugu inatsimmi § 77 oqaatigineqareersutut aalisartup pisassiissutinit pigisani taakkualuunniit ilai tunniutissavai.

Imm. 2. Naalackersuisut aalisartoq pisassiissutinit nammineq pigisaminut piginnittumilu pigisaannut uppersaammik nassiusseqqusinnaavaat, aalisarneq pillugu inatsimmi § 32, imm. 4 naapertorlugu.

Imm. 3. Aalisartup imm. 2 naapertorlugu peqquneqarnini naammassinngippagu Naalackersuisut aalisartumut akuersissummik killiliisinnaapput taassumangaluunniit atuinissaanut pisinnaatitaaffiarlugu, aalisarneq pillugu inatsimmi § 26 naapertorlugu.

Aalisariumannittussarsiuussineq

§ 24. Pigisat ukiumoortumullu pisassiissutit aalisartumut attuumassuteqanngitsut Naalackersuisuniilli aalisarneq pillugu inatsimmi § 31, imm. 2 naapertorlugu pigineqalersut aamma pigisat aalisarneq pillugu inatsimmi § 40, imm. 3 imaluunniit § 41, imm. 2 naapertorlugu pinngitsaaliissummik tunniunneqartut piaartumik aalisariumannittussarsiuussisarnikkut Naalackersuisunit neqeroortigineqassapput.

Imm. 2. Naalackersuisut aalisariumannittussarsiuussinermi atatillugu peqataanissamut piunasaqaatinik aalajangersaasinnaapput, tassunga ilanngullugu neqeroorteqartussap ukiuinut, neqeroortussallu aalisariutaata angissusissaanut tunngasunik.

Imm. 3. Naalackersuisut aalisariumannittussarsiuussinermi atatillugu pisassiissutinit pigisanik neqeroortigineqartunik atuinissamut piunasaqaatinik aalajangersaasinnaapput, tassunga ilanngullugit tulaassinissamut, aalisariummut atorineqartumut tunngatillugu teknikikkut atortorissaarutitut, piunasaqaatit piffissami atuuffiannut nunallu immikkoortuini aalajangersimasuni aalisarsinnaanermut tunngasut.

Imm. 4. Naalackersuisut neqeroortitsinermi pisassiissutinit pigisat tuniniarini killilersuutitik aalajangersaasinnaapput, piffissami aalajangersimasumi pisassiissutinit pigisat tuniniaqqusaannginneritut inerteqqutit ilanngullugit.

§ 25. Naalackersuisut aalisarneq pillugu inatsimmi § 41, imm. 2 naapertorlugu pisassiissutinit pigisanik pinngitsaaliissummik nuussippata, aalisartoq 3.000 koruuninik akiligassinneqassaaq.

Kapitali 5

Atuisussaatitaaneq, pisassiissutit nuunneqarsinnaasut, il.il.

§ 26. Aalisartup ukiumut pisassinneqartup ukiumi pisassiissuteqarfiusumi ukiumut pisassiissutit ikinnerpaamik 75 procentii aalisartussaataavai.

Imm. 2. Aalisartuq aalisartumut allamut ukiumut pisassiissutit 10 procentii angullugit nuussinnaatitaavai, taamaattorli imm. 3 naapertorlugu.

Imm. 3. Ukiumut pisassiissutit ukiumi pisassiiviusumi pissarsiarineqartut killiligaanngitsumik nuunneqarsinnaapput taamaalillutillu ukiumut pisassiissutinik nuussinermut amerlanerpaaffissatut killiliussamut imm. 2-mi allassimasumut ilaanatik.

§ 27. Aalisartuq ukiumut pisassinneqartoq ukiumut pisassiissutinik 25 procentit nuussinnaavai.

Imm. 2. Ukiumut pisassiissutit § 26, imm. 2 aamma 3 naapertorlugit nuunneqartut pisassanit nikerartinneqarsinnaasunit nalimmassarneqartassapput.

Imm. 3. Aalisartup pisassanik nuussisinnaanermik periarfissap atornissaa sioqqullugu Aalisarnermut Piniarnermullu Naalakkersuisoqarfimmu allakkatigut tamanna nalunaarutigissavaa. Nalunaarummi nuunneqartussat amerlassusii allanneqassanngillat, nuussallugit kissaatigineqartut.

Imm. 4. Aalisartuq ukiup tulliani pisassiissuteqarfiusumi ukiumut pisassiissutinik siusinnerpaamik novembarip 15-ianni aalisalersinnaavoq.

§ 28. Aalisartuq kapitalimi uani malittarisassanik malinninngippat, Naalakkersuisut akuersissut killilersinnaavaat imaluunniit arsaarinnissutigalugu, aalisarneq pillugu inatsimmi § 26 naapertorlugu.

Kapitali 6

Pineqaatissiissutit

§ 29. § 23, imm. 1 aamma § 27, imm. 3 aamma 4, unioqutinneqarpata Kalaallit Nunaanni pinerluttulerinermik inatsimmi malittarisassat naapertorlugit akiliisitsinermik kinguneqarsinnaapput.

Imm. 2. Malittarisassanut, peqqussutinut il.il. § 23, imm. 2 aammalu § 24. imm. 3 aamma 4 naapertorlugit atuutilersinneqartunut

Kalaallit Nunaanni Pinerluttulerinermut inatsimmi malittarisassat naapertorlugit pineqaatissiissutinik aalajangersaasoqarsinnaavoq.

Imm. 3. Inatsisartut inatsisaat imaluunniit malittarisassat Inatsisartut inatsisaat tunngavigalugu aalajangersarneqartut akileeqqusissummik aalajangersaanissamik tunngavissaqartitsippata, akileeqqusissut Kalaallit Nunaanni pinerluttulerinermi inatsimmi malittarisassat naapertorlugit pisussaataasooq pininnaatitaasorlu akileeqqusissummik pisussaaffilerneqarsinnaavoq.

Imm. 4. Imm. 1-3 naapertorlugit suliat siullertut qullersamut Kalaallit Nunaanni Eqqartuussivimmu suliaassanngortinneqassapput.

Imm. 5. Akiliisitsissutit imm. 1-3 naapertorlugit aalajangersarneqartut Nunatta Karsianut pisassanngortinneqassapput.

Kapitali 7
Atuutsilersitsineq


§ 30. Nalunaarut marsip aallaqqaataanit 2025-mi atuutilissaaq.

Namminersorlutik Oqartussat, ulloq 5. februaari 2025



Kim Kleisen

Aalisarnermut Piniarnermullu Naalakkersuisoq



/ Emanuel Rosing